



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Conciliarvm Omnivm Generalivm Et Provincialivm Collectio Regia**

Ephesini Concilii Generalis Pars III. Sub Cælestino papa I. anno CCCCXXXI.

**Parisiis, 1644**

Qualiter intelligi debet Emmanuel. Cap. II.

**urn:nbn:de:hbz:466:1-15241**

*Quid est Christus?* CAP. I.

CAP. IV. **C**HRISTI nomen, nec definitionis vim obrinet, nec cuiuspiam substantiæ, qualis sit, significat, sicut forte Homo, aut Equus, aut Bos; sed rei magis, quæ in aliquo agatur, habet significationem. Oleo namque ungebantur quidam superiorum, iuxta quod Deo tunc temporis placebat: & signum regni illius erat unctio. Ungebantur autem & prophetae sensibiliter Spiritu sancto, ut inde quoque nominarentur christi. Denique beatus Dauid psallit ex persona Dei, & ait: *Nolite tangere christos meos, & in prophetis meis nolite malignari.* Psal. 104. Ait autem & propheta Habacuc: *Existi in salutem populi tui, ut saluos facias christos tuos.* Habac. 3. In Christo autem omnium saluatore unctio- nem quidem factam esse dicimus: ceterum neque symbolicam, quasi oleo factam, nec quasi in gratia prophetica; sed nec illam, quæ intelligitur fieri ad perfectionem alicuius huiusmodi negotii, quale factum esse dicimus sub Cyro Persarum & Medorum rege: contra Babylonios enim ille duxit exercitum, instigante ipsum in id Deo omnipotente. Isa. 45. Dicitur enim: *Hæc dicit Dominus christo meo Cyro, cuius apprehendit dexteram.* Atqui ille vir cum esset idolorum cultor, nominatus est christus, ideo quod quasi unctus est in regnum cælesti suffragio, & ordinatus est a Deo, ut Babylonem vehementer expugnaret. Illud autem magis de Christo. Quoniam enim propter Adæ prævaricationem regnauerat super omnes peccatum, & Spiritus ab humanitate discesserat, ob eamque causam in malis omnibus illa fuerat constituta; opus autem erat, ut rursus Dei misericordia in pristinum reuocata, Spiritum mereretur; homo factum est unigenitum Dei Verbum, & cum terreno corpore terrenis apparuit. Fuit etiam liber a peccato, ut & in ipso, & in eo solo innocentia laudibus natura hominis coronata, Spiritu sancto ditaretur, ac sic reformaretur ad Deum per sanctificationem. Transit enim ad nos quoque gratia Rom. 5. \* correpta a Christo, qui est in nobis primogenitus: idque nos docet Psal. 44. beatus Dauid, psallens ad Filium: *Dilexisti iustitiam, & odisti iniquitatem: ideo unxit te Deus, Deus tuus oleo latitiae.* Unctus est igitur exemplo nostro Filius innocentia laudibus, ut ante dixi, & in ipso natura hominis illustrata, & digna iam sortiri Spiritum sanctum non discessurum iam sicut antea, sed mansurum magis in ipsa. Ioan. 1. Ideoque scriptum est, quod descendit quidem in eum Spiritus, mansit autem super ipsum. Dicitur ergo christus Dei Verbum, quod propter nos nostri similis homo est factum, & in serui forma: & ungitur quidem humane secundum carnem, ungit autem diuine suos, eos nempe, qui in ipsum credunt.

*Qualiter intelligi debet Emmanuel.* CAP. II.

Hebr. 1. **E**MMANVEL nominatur Deus Verbum, quod Abrahæ semen apprehendit, & similiter ac nos participauit carni & sanguini.

\* f. acce-  
pta,  
al. com-  
pleta

ANNO  
CHRISTI  
431.

Interpretatur autem Emmanuel, *Nobiscum Deus*. Confitemur autem fuisse nobiscum Dei Verbum, non localiter (in quo enim loco non est Deus, qui implet omnia?) nec quod adesse nobis conspicitur auxilii ratione (dictum est enim hoc modo ad Iesum: *Et sicut eram cum Moysse,* Iosue 7. *ita ero & tecum*) sed quod factus est in nostris, id est, in humanitate, non derelicta natura sua. inconuertibile est enim natura Dei Verbum.

Ceterum quam ob causam, cum plene dicitur ad Iesum, quod Sicut eram cum Moysse, sic ero tecum, non est nominatus Emmanuel? Ipsa autem ratio sit, \* etsi cum alio nescio quo sanctorum fuisse dicatur. Ergo nobiscum factum esse dicimus Deum Verbum eo tempore, quo dicit Baruch: *In terra visus est, & inter homines conuersatus est, & omnem viam inueniens disciplina, & dans eam Iacob puero suo, & Israel dilecto suo. Ipse est enim Deus noster, & non comparabitur alius ad eum.* Baruch. 3.

Οσον μὲν ἦεν εἰς τὸ εἶναι θεός κτ' Et quantum quidem ad Dei naturam pertinet, non erat nobiscum. multum enim inter-  
 φύσιν, ἐκ τῶ μὲν ἡμῶν· ἀσύγκρι- est inter diuinitatem & hu-  
 τον γὰρ τὸ μετὰ τοῦ θεότητος καὶ ἀ- manitatem, & ingens est ni-  
 θεότητος· καὶ πολλή τις ἀγαν τῆς mis differentia naturarum.  
 φύσεών ἔστιν ἡ διαφορὰ.

Denique etiam diuinus Dauid ad proximitatem mysticam scilicet, Deum Verbum quod nondum ad nos venerat vocabat, dicens in spiritu: *Vt quid Domine discessisti longe, despicias in opportunitatibus, in tribulatione?* Ergo non iam longe discessit, sed nobiscum fuit. Qui cum mansisset id quod erat, apprehendit Abrahamæ semen, ut dixi. Psalm. 9.

Acceptit autem etiam seruiformam, & conspectus est homo in terra, Christus vere & Emmanuel, eundem nobis Filium designans; partim quia vnctus est more nostro, humane hominis naturæ spiritum accipiens, ut in seipso & primo; positus est enim primordium generis; rursus ut Deus, ipse est vngens sancto Spiritu eos qui in se credunt: partim quia fuit nobiscum secundum quas modo reddidi rationes, & in eo nos facit certos Isaias propheta, dicens: *Ecce virgo in utero accipiet, & pariet filium, & vocabunt nomen eius Emmanuel.* Hebr. 2.

Cum enim sancta Virgo ex Spiritu quidem sancto prægnans esset facta, peperit autem secundum carnem Filium, tunc etiam Emmanuel dictus est. Fuit enim nobiscum per carnalem generationem incorporalis, & id erat quod per vocem Dauid significabatur: *Deus manifeste veniet, Deus noster, & non silebit.* Et illud opinor: *Ipse qui locutus sum, præsto sum.* Locutus enim per prophetas, ut incorporale adhuc Verbum, aduenit etiam corporaliter. Philipp. 2.

*Quid est Iesus?* CAP. III.

VI quidem intentionum, quia oporteat a nobis vnum dici Filium, tantumdem est & Christus, & Emmanuel, & Iesus, & idem vero quasi ex re nomen est factum: *Ipse enim saluabit populum suum a peccatis eorum.* Quemadmodum enim τὸ Emmanuel significabat per generationem ex muliere nobiscum factum fuisse Dei Verbum; & Christus porro, quia factus homo, vnctus dicitur iuxta Math. 1.